



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË - DEGA E GJYKATËS LEPOSAVIQ

Numri i lëndës: 2024:075983

Datë: 13.03.2024

Numri i dokumentit: 05443903

P.nr.14/2024

NË EMËR TË POPULLIT

GJYKATA THEMELORE NË MITROVICË – Dega Leposaviq, Departamenti i Përgjithshëm-Divizioni Penal, Gjyqtarja e vetme gjykuese Benita Berisha, me zyrtarin ligjor Besart Mustafa, në çështjen penale ndaj të pandehurve: M. P. dhe L. S., për shkak të veprës penale: Kalimi i paautorizuar i vendkalimeve kufitare ose i vijës kufitare nga neni 140 par. 1 të KPRK-së, duke vendosur sipas aktakuzës së Prokurorisë Themelore në Mitrovicë - Departamenti i Përgjithshëm PP.II.nr.1625/23 të datës 07.03.2024 dhe kërkesës për shqiptimin e Urdhrit Ndëshkimor, pa mbajtjen e shqyrtimit gjyqësor, jashtë seancës, me datë 13.03.2024, mori këtë:

A K T G J Y K I M

PRANOHET Kërkesa e Prokurorisë Themelore në Mitrovicë – Departamenti i Përgjithshëm PP.II.nr.1625/23 të datës 07.03.2024 dhe kjo Gjykatë konform dispozitës të nenit 495 të KPP-së, jep këtë:

URDHËR NDËSHKIMOR

Të pandehurit:

- I. M. P., nga i ati G., e ëma V., e vajzërisë R., i lindur me datë ..., në N. P. Serbi, tani me vendbanim në fshatin T., komuna e R.- Serbi, me numër personal ..., i martuar, ka të kryer shkollën e mesme, i gjendjes së dobët ekonomike, serb, shtetas i Republikës së Serbisë, mbrohet në liri.
- II. L. S., nga i ati S., e ëma L., e vajzërisë V., i lindur me datë ..., në fshatin P.- Serbi, në fshatin Q.- Serbi, me numër personal ..., beqare, ka të kryer shkollën e mesme, i gjendjes së mesme ekonomike, serbe, shtetase e Republikës së Serbisë, mbrohet në liri.

JANË FAJTORË

SEPSE:

Me datën 20.09.2023, rreth orës 09:45, të pandehurit me dashje kanë kaluar vijën kufitare Republikë e Serbisë- Republikë e Kosovës, në vendkalimin e paautorizuar kufitar, në atë mënyrë që me automjetin e markës “Audi”, me ngjyrë të kaltër, me targa të regjistrimit ..., kanë kaluar nga territori i Serbisë dhe janë ndaluar në fshatin Bistricë, ku vozitës ishte i pandehuri M. P. kurse pasagjere e pandehura L. S..

-Me këtë secili veç e veç ka kryer veprën penale: Kalimi i paautorizuar i vendkalimeve kufitare ose i vijës kufitare nga neni 140 par. 1 të KPRK-së.

Andaj, gjykata në bazë të dispozitave të nenit 1, 4, 7, 17, 21, 38, 40, 43, 69 dhe 140 të KPRK-së, si dhe nenit 364, 449, 452 dhe 495 të KPP-së, i :

G J Y K O N

Të pandehurit M. P., i shqipton;

- I. DËNIM ME GJOBË në shumë prej 250 € (*dyqind e pesëdhjetë euro*), të cilin dënim është i obliguar që ta paguaj në afat prej 15 ditësh nga dita e plotfuqishmërisë së këtij aktgjykimi. Nëse i pandehuri nuk e paguan gjobën në afatin e caktuar, Gjykata do të veprojë në bazë të nenit 43 par.3 të KPRK-së, ashtu që dënimin me gjobë do t`ia zëvendësoj me dënim me burgim, duke i llogaritur për çdo 20 € (njëzet euro) gjobë me një (1) ditë burgim.

Të pandehurit L. S., i shqipton;

- II. DËNIM ME GJOBË në shumë prej 250 € (*dyqind e pesëdhjetë euro*), të cilin dënim është e obliguar që ta paguaj në afat prej 15 ditësh nga dita e plotfuqishmërisë së këtij aktgjykimi. Nëse i pandehuri nuk e paguan gjobën në afatin e caktuar, Gjykata do të veprojë në bazë të nenit 43 par.3 të KPRK-së, ashtu që dënimin me gjobë do t`ia zëvendësoj me dënim me burgim, duke i llogaritur për çdo 20 € (njëzet euro) gjobë me një (1) ditë burgim.
- III. Obligohen të pandehurit secili veç e veç që në emër të shpenzimeve procedurale dhe atë në emër të paushallit gjyqësor të paguajnë shumën prej 20 €, ndërsa në emër të taksës për kompensimin e viktimave të krimit shumën prej 20 €, të gjitha këto në afat prej 15 ditësh nga dita e plotfuqishmërisë së këtij aktgjykimi, nën pasojat e përmbarrimit të dhunshëm.
- IV. Kërkesë pasurore juridike nuk pati.

A r s y e t i m

Prokuroria Themelore në Mitrovicë – Departamenti i Përgjithshëm, ka ngritur aktakuzën PP.II.nr.1625/23 të datës 07.03.2024, kundër të pandehurve M. P. dhe L. S. për shkak të veprës penale: Kalimi i paautorizuar i vendkalimeve kufitare ose i vijës kufitare nga neni 140 par. 1 të KPRK-së, dhe njëherësh, nga Gjykata ka kërkuar dhënien e Urdhrit Ndëshkimor-Dënim me gjobë, me arsyetimin se ka prova të besueshme nga kallëzimi penal dhe provat e propozuara lidhur me arsyeshmërinë e aktakuzës së propozuar në drejtim të vërtetimit të fakteve se të pandehurit vërtetë e kanë kryer veprën penale për të cilën akuzohen.

Gjykata, me rastin e shqyrtimit paraprak të çështjes, gjeti se aktakuza dhe kërkesa janë të bazuara dhe se janë plotësuar kushtet nga neni 493 i KPP-së, që të pranohet kërkesa për dhënien e urdhrit ndëshkimor dhe në përputhje me nenin 495 të KPP-së të jepet aktgjykimi pa u mbajtur shqyrtimi gjyqësor, si në dispozitiv të këtij aktgjykimi, pasi që në shkresat e lëndës ka prova të mjaftueshme në bazë të cilave vërtetohet se të pandehurit e kanë kryer veprën penale e cila iu vihet në barrë.

Me dispozitat ligjore të Kodit Penal të Republikës së Kosovës (KPRK), për veprën penale Kalimi i paautorizuar i vendkalimeve kufitare ose i vijës kufitare nga neni 140 par.1 të KPRK-së me të cilën akuzohen të pandehurit, ligjvënësi ka parashikuar dënimin me dyqind e pesëdhjetë (250) Euro gjobë ose me burgim deri në gjashtë (6) muaj, që nënkupton se në rastin konkret zbatohen dispozitat ligjore të procedurës së veçantë nga neni 495 të Kodit të Procedurës Penale të Republikës së Kosovës (KPP).

Gjykata, konsideron se provat e bashkangjitura në shkresat e lëndës dhe atë: Raporti fillestar i incidentit me numër të rastit 2023-YNC-072 i datës 20.09.2023, Raporti i oficerit i datës 20.09.2023, Procesverbali mbi intervistimin e të pandehurit M. P. në SPMK Laposaviq, i datës 20.09.2023, Procesverbali mbi intervistimin e të pandehurës L. S. në SPMK Laposaviq, i datës 20.09.2023, Informatat rreth kërkimit të personave nga Sistemi për menaxhimin e kufirit për të pandehurit dhe automjetin, Fotodokumentacioni si dhe shkresat e tjera të lëndës, janë prova të mjaftueshme mbi bazën e të cilave vërtetohet se në veprimet e të pandehurve manifestohen elementet e veprës penale e cila u vihet në barrë, për këtë edhe iu shqiptoi urdhrin ndëshkimor si në dispozitiv të këtij aktgjykimi.

Me rastin e caktimit të lartësisë së dënimit me gjobë, konform nenit 69 të KPRK-së, gjykata ka marrë për bazë të gjitha rrethanat që ndikojnë në matjen e dënimit, duke konsideruar se dënimi i shqiptuar është dënim i drejtë dhe i ligjshëm dhe është në harmoni me shkallën e përgjegjësisë penale meqë rast vepra penale është kryer me dashje nga ana e të pandehurve, me intensitetin e rrezikimit apo dëmtimit të vlerës së mbrojtur në këtë çështje penale dhe rrethanat në të cilat është kryer vepra penale.

Andaj, gjykata vlerëson se me një dënim të tillë do të arrihet qëllimi i dënimit, i cili parashihet me nenin 38 të KPRK-së, që të parandalojë kryesin nga kryerja e veprave penale në të ardhmen dhe të bëjë rehabilitimin e tij, të parandaloj personat e tjerë nga kryerja e veprave penale, të shpreh gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

Vendimi për kompensimin e shpenzimeve të procedurës penale dhe të paushallit gjyqësor, u mor në bazë të nenit 449 par. 2 nën par. 2.6 lidhur me par.1 dhe nenit 452 par. 1 të KPP-së. Ndërsa taksa për kompensimin viktimave të krimit, në kuptim të nenit 36 par. 3 nën. par 3.1 të Ligjit nr.08/L-109 për Kompensimin e Viktimave të Krimit.

Kërkesë pasurore juridike nuk pati, ngase sipas aktakuzës nuk kishte të propozuar palë të dëmtuar.

Nga sa u tha më lartë, e në bazë të nenit 364 dhe 495 të KPP-së, u vendos si në dispozitiv të këtij aktgjykimi.

GJYKATA THEMELORE NË MITROVICË-Dega Leposaviq
Departamenti i Përgjithshëm-Divizioni Penal
P.nr.14/2024, datë :13.03.2024

Zyrtari Ligjor
Besart Mustafa

G j y q t a r j a
Benita Berisha

KËSHILLË JURIDIKE: Kundër këtij aktgjykimi të pandehurit ose mbrojtësit e tyre mund të paraqesin kundërshtim, në afat prej 8 (tetë) ditëve, nga dita e pranimit të tij. Kundërshtimi i parashtrohet kësaj Gjykate.